

# <u>هوراین</u>


سورت فركتان بيجق اين اصل ماري درفد الكتاب بهاكين يغ فرتام يائيت تورات، زبور، دغن كتاب هق نبي دولو. سليمان اين جادي سئورغ نبي دان لاكي منجادي راج اتس اورغ اسرائيل، سلفس كماتين ايه دي راج دائود.

اجران نبي سليمان دالم سورت اين اد باپق فركارا، هق كوتيف تاروه بري جادي ساتو كتاب. كباپقكنث رويت چارا حال كهيدوفن مائنسي كيت هاري٢، انتوق نق بري فمباچ٢ فندي برچمفور كاول دالم مشاركة رامي. اجران هق مستحق سكالي دالم كتاب اين، كات:

سياف مڤهنداكي علمو هق سڤوتي، دي كنا دودوق دڠن تاكوت كفد **توهن**.

اف٢ هق جادي اتس اورغ بيجق فندي، دي بوليه تيمبغ جالن مان كنا بوات، تأكيرا دوق دغن كلوارك درومه، اتوا دوق دغن اورغ دتمفت كرج. اد جوك ايات٢ هق رويت چارا حال فرهوبوغن مو اكو، چارا حال بودي بهاس، دان لاكي، چارا حال جالن باوا ديري. اد فركارا٢ هق تمو سعمور دالم كتاب اين، يا يت مرنده ديري، دوق صبر، امبيق فدولي كا اورغ مسكين دان جادي اورغ هق سائين٢ بوليه هارف سعمور.

سورت فركتائ بيجق اين نق بري كيت كهور افهم، چارا حال توهن دوق فادول كا اورغ هق جادي ميليق دي، دان لاكي، اورغ ايت كنا هيدوف بالس مان انتوق بري توهن بركنن.



## باب 1

3

# نبي سليمان بري تاهو توجوان كتاب اين

اینیله فرکتا ٔن بیجق هق سلیمان انق دا ٔود، راج اتس اورڠ اسرائیل. <sup>2</sup> توجوان ایات ۲ این، نق بری تاهو جالن مان هق بری اورڠ بولیه بیجق فندی، فس بولیه فهم فرکتا ٔن ۲ هق دالم.

اجران این نق بری اورغ فندی دوق بائیك مو اكو، نق بری دی بوات هق بتول، هق عادیل انتوق سموا اورغ.  $^{4}$  اورغ هق تائفندی لاكنی، نق بری بولیه كیرا هق مان دی كنا بوات، فس اورغ مودا فون، نق بری فندی بوات چادغن هق مولیق.  $^{5}$  اورغ هق بیجق فندی ده بولیه منمبه علمو دی، فس اورغ هق ارتی ده نق ارتی لبیه فد ایت لاكنی،  $^{6}$  انتوق نق بری بولیه فهم عبارة ۲ هق دالم، فس مسائله ۲ هق اورغ برعلمو دوق بحس.

- 7 كالو نق كا علمو هق سڠوتي، مولا٢ كنا جادي اورڠ هق دوق طاعة ستيا دڠن تاكوت كا توهن، اورڠ بودوه، دي فندڠ هينا كا سموا هق بيجق فندي، فس دي تائسير تريما اجران.
- 8 دغرله انق كو، هق مان ايبو باف نق اجر كفد مو.
  <sup>9</sup> كران اجران ايبو باف ايت لبيه موليق لاكني انتوق فراغي
  فد فكاين مهل انتوق توبوه مو.
- 10 يا انق كو، بيلا اورغ فغكيل مو، اجق كي بوات هق تا موليق، مو جاغن توروت دي. " ميسل دي كات: ماريله كيت كي مغليت دتفي جالن، ننتي اورغ لالو. " لاني دي دوق سنغ تا جادي اف٢. موده ساج كيت بونوه دي بري ماسوق تمفت اورغ ماتي. " فس كيت بوليه امبيق بارغ مهل هق دي سموا فركارا، سهيڠك رومه كيت دوق فنوه دغن بارغ٢ هق رمفس ايت. " ماريله جادي فواق كيت. فس سموا هق بوليه ايت، كيت بهاكي بري سروف.
- 15 يا انق كو، جاغن مو كي سكالي دغن اورغ سروف ايت. جاغنله توروت دي كي. <sup>16</sup> كران دي كادوه سعمور نق كي بوات هق جاهت، فس دي دوق فيسه چاري جالن نق بونوه اورغ سعمور. <sup>17</sup> اورغ تائتاهن جبق دافن مات بوروغ،

تنتو بوروغ۲ تا ماسوق. <sup>18</sup> تافي اورغ جاهت سا ني، سروف دي فاسغ فرغكف انتوق تاهن ديري دي سنديري بري ماتي. <sup>19</sup> كران اورغ هق نق كا لاب دغن بوات سيقسا كا اورغ، سود سكالي پاوا دي سنديري نق روكني.

# عبارة چارا حال علمو هق بري بيجق فندي

اد ساتو سوارا هق دوق فڠڬيل نق بري اورڠ دڠر كا دي، كران دياله هق بيجق فندي، فس دي دوق چاري اورڠ هق نق تريما علمو، دي كي كو باتس افس كو لوروڠ دالم كدي، بلڠ دوق فڠڬيل. أو دي كي سرو دفينتو كربڠ كوت، تمفت اورڠ ماري برهيمفون رامي.

22

سوارا ایت کات: هی فواق مو هق تا اد علمو. لام مان لاکی مو نق مان لاکی مو نق مان لاکی مو نق سوک۲ ساج کات علمو هق اکو نق بری تا اد فا یده انتوق مو ؟ قط فرهاتیله با یک۲ هق اکو دوق تکه مو این. کران اکو نق بری کا مو اجران هق مولیق. اکو نق بری مو تریما علمو کو دغن سمفرن.

24 لاني اكو دوق فڤكيل٢ مو، تافي مو تائسير دڠر. اكو دوق اجق مو سعمور، تافي مو تائفادول. <sup>25</sup> سموا نصيحة هق اكو فون، مو بوات تائترفاكي، فس بيلا اكو ماري نق تكه مو، مو لاري سلالو.

26

سبب توله، بيلا مو كنا بالا بسر فس دوق تاكوت ساغت، اكو فون نق دوق سوك٢ ساج، ٢٥ بالا ايت نق تورون اتس مو سروف اڠين ريبوت، مو نق تاكوت سمفي هيلغ فيكران دڠن سيقسا سغسارا ايت، ٣٥ باروله مو نق فڠكيل مينتا تولوغ دڠن اكو، تافي اكو نق دوق سپف ساج، مو نق كاچڠ چاري اكو، تافي تا تمو ده٢، ٥٥ كران مو بياس كات علمو كو تا اد فا يده، مو تا سير جادي اورڠ هق دوق دڠن تاكوت كا توهن. مو تا فادول، تاكوت كا توهن. هو اكو نصيحة ايت فون، مو تا فادول، فس تكه اكو ماري تكه مو، مو لاري سلالو.

31

سبب توله، بيلا مو كنا بالا هق بسر ايت، مو كنا ماكن بواه هق تفكوغ سنديري هق مان مو بوات ده، مو كنا ماكن بواه هق فاهيت دفوهون هق مو تانم سنديري ايت، بري كپغ سمفي كا تكق. هق توله حصلن هق ماري دسموا چادغن مو. 22 اورغ هق تأسير تريما علمو كو، دي نق ماتي، كران دي فاليغ ده كو لائين، اورغ هق بودوه ايت بري فونه ديري دي سنديري، دغن كران دي تا امبيق فادول كا اكو. 33 تافي اورغ هق جوغ فرهاتي كا سوارا اكو، دي بوليه دوق سلامت دغن سنغ هاتي، تا كنا تاكوت كجهاتن مان دفون.

(بالس توله سوارا دي هق بري اورڠ بيجق فندي.)

### باپ 2

1

5

# اورغ مق بيجق فندي، هيدوفن دي اد فايده

يا انق كو، تريماله اجران كو، فس ايغتله كا هق اكو دوق رويت اين.  $^2$  فرهاتي دغرله كا فركتا أن كو هق بيجق فندي، فس چوب بري ارتي مقصود دي.  $^8$  لبيه  $^8$  لاكني، مو كنا بردعا مينتا دغن توهن بري فندي ارتي سموا فركارا اين.  $^4$  فس كاچغ اوسهاله بري فندي، سروف اورغ دوق كوريق چاري فيرق، اتو دوق كالي چاري هرت كيرون هق دوق سوسوف دالم تانه.

كالو بوات بالس ايت، باروله مو نق ارتي بالس مان بوليه دوق دغن تاكوت كا توهن، فس مو نق تمو دغن علمو هق سجاتي چارا حال دي. <sup>6</sup> كران توهن سنديريله هق بري اورغ بوليه بيجق فندي. سموا علمو ۲ هق اد ماري دتوهن بلاك. <sup>7</sup> فس توهن دوق جاك اتس اورغ هق جوجور، فراغي موليق، نق بري دي بيجق فندي. <sup>8</sup> اورغ هق دوق كاسيه كا توهن، فس دوق بوات هق بتول كا اورغ لائين، تنتو توهن نق جاك اتس دي سعمور.

یا انق کو، بواتله ایکوت چنتوه ایت، فس مو سندیری نق تاهو هق مان بتول هق مان عادیل، فس مو نق فندی بوات سموا فرکارا دغن مولیق، 10 کران فیکران مو بیجق

فندي ده، فس علمو مو ايت بري مو بوليه دوق دغن سنغ هاتي، <sup>11</sup> فس مو نق فندي جاك اتس هيدوفن مو دغن چادغن هق اد فا يده، فس مو نق تاهو جوك جالن مان بوليه بري سلامت.

بالس توله، مو بوليه دوق سفكغ جا وه فد جلانن هق اورغ جاهت دوق توروت دغن كيچيفن دي هق بركاروت ايت. <sup>13</sup> دي تيفكل سموا هق موليق، دوق توروت هق جاهت ساج، سروف اورغ تيفكل جالن هق چره، كي توروت جالن هق كلف. <sup>14</sup> دي سوك بوات سموا فركارا هق جاهت. دي بركنن اف٢ هق بركاروت. <sup>15</sup> فربواتن دي سموا تا بتول، سروف بارغ هق فلسو.

12

16

فس كالو مو بوات توروت اجران كو ايت، مو بوليه لفس درفد اورغ بتينا هق فراغي تا موليق، هق دوق چاري جالن دغن كيچيفن مانيس، نق بري مو كي ما ين دغن دي. <sup>17</sup> اورغ بتينا سروف اين، دي تيغكل ده لاكي هق دوق سكالي دغن دي جق دمودا لاكي. دي لوف هق بياس برجنجي ده دافن توهن، ماس ايت. <sup>18</sup> كالو مو كي كا رومه دي، سروف مو ماتي ده، دوق دالم قبور، تمفت هق كلف. <sup>19</sup> كران اورغ هق توروت اورغ بتينا سروف ايت، دي تا ليه كليق توروت جالن هق بري هيدوف ككل.

20 سابيت توله، مو كنا توروت چنتوه اورغ هق هاتي بتول دغن هيدوفن موليق. <sup>21</sup> كران اورغ هق هاتي بتول فراغي جوجور ايت، بوليه دوق كجف سعمور دالم نكري هق توهن چادغ ده. <sup>22</sup> تافي اورغ هاتي جاهت هق درهاك كا توهن سعمور، توهن نق بري هابيس دالم نكري هق دي چادغ ايت، سروف اورغ چابوت رمفوت لالغ كي تاهوق.

# باب 3

5

# اجران انتوق اورغ مودام

یا انق کو، جاغن مو لوف کا اجران کو. هق اکو دوق رویت این، تاروهله دالم هاتی مو بری بولیه بوات توروت سعمور.  $^2$  کران اجران کو این نق بری عمور فنجغ دغن هیدوفن هق سنغ.  $^8$  مو کنا جادی اورغ جوجور هق بولیه هارف سعمور، اورغ هق تا بیاس سیلف جنجی. دوا فرکارا ایت مو کنا ایغت سروف تالی تکق هق فاکی سعمور تا بیاس چابوت. بریله فرکارا ایت دوق ترتولیس دالم هاتی مو.  $^4$  بالس توله، مو نق بولیه نام با یك. سموا اورغ نق برکنن کا مو، فس توهن فون نق برکنن جوک.

هارفله كا توهن ساج، جاغن مو دوق هارف كا فيكران مو سنديري. <sup>6</sup> سرهله كا توهن دولو سموا جلانن هيدوف مو، فس دي نق سيف جالن هق بتول انتوق مو.

جاغن مو كات مو جادي اورغ هق بيجق فندي ده. تافي دوقله دغن هاتي هق تاكوت كا توهن نق طاعة كا دي سعمور، فس تولقله سلالو اف٢ هق تا موليق. <sup>8</sup> بواتله توروت اتوران ايت، نق جادي سروف اوبت انتوق توبوه مو، فس نق بري هاتي مو براس سنغ.

ایغتله کا توهن دغن حصلن مو. بیلا مو بولیه حصلن مان ۲ دتانه مو، چابوتله سکیان هق مولیق، سره کا توهن، تندا کات مو نق بری حرمة کا دی. <sup>10</sup> کالو بوات بالس ایت، توهن نق بری رومه فادی مو دوق فنوه، فس بکس ۲ انتوق ایر بواه جابیت فون نق فنوه منیتیر سعمور.

11 يا انق كو، بيلا توهن دوق اجر مو، جاغن بوات تا فدولي، فس بيلا توهن دوق تكه مو، جاغن كات فواس ده تا سير تريما اجران دي. <sup>12</sup> كران توهن دوق تكه اورغ هق دي كاسيه، سروف باف دغن انق هق دي سايغ.

13

براونتوغله اورغ هق تمو ده جالن نق بري بيجق فندي، فس بوليه فهم باپق فركارا. <sup>14</sup> هق دي بوليه ايت لبيه لاكني فد امس دغن فيرق. <sup>15</sup> سموا هق ما نسي كات لاب انتوق دي، تا ليه نق بنديغ دغن بيجق فندي ايت، هق مهل لاكني فد مات بليان. <sup>16</sup> اورغ هق بيجق فندي بوليه دوق لام دغن جادي كاي، فس دي نق بوليه حرمة داورغ. <sup>17</sup> دي بوليه دوق سنغ ليندغ دغن سلامت سجهترا. <sup>18</sup> اورغ بيجق فندي ايت بوليه هيدوف سلام۲. دياله هق براونتوغ سوغكوه.

19 توهن بري جاديكن لاغيت دغن بيجق فندي هق دي. بالس ايت جوك، توهن لتق بومي اين بري كجت.

20 اير ۲ هق دباوه مغالير توبيت،

21

فس ایر هق داتس فون تورون کا بومی فول، دغن کران بیجق فندی هق توهن ایت.


یا انق کو، فکڠله بری کجف فیکران هق اد ایسی، دغن چادغن هق مولیق، جاغن بری دی هیلغ کی ساج. حو فرکارا۲ این کنا فاکی سعمور، سروف تالی تکق هق تابیاس چابوت، کران فرکارا۲ این نق بری مو هیدوف. حق فس جلانن هیدوف مو ایت نق سلامت، تا اد اف۲ هق بولیه ماری کڠکو مو. مح تکه دوق درومه فون تا کنا بیمبغ اف۲، فس تکه ماسوق تیدور فون بولیه جندرا رالیف. حو مو تا کنا تاکوت کا بالا هق تیبا۲ ماری، کران مو تا سروف اور ۲ جاهت. تکه بالا ماری تیمفا دی، فواق ایت نق بناس هابیس. می تا سروف دی، کران فواق ایت نق بناس هابیس. می نق جاک توبوه مو تا بری کنا بهیا مان۲ فون.

27 كالو مو نمفق كات سوغ فاتوت نق بوات با يك كا اورغ، فس مو اد كواس بوليه بوات، كي بواتله سلالو. عمل كالو سا ين كمفوغ ماري كا رومه مو مينتا تولوغ، جاغن مو كات كا دي: ماري سمولا ايسوق ديه. تافي مو اد كواس بوليه تولوغ دي سلالو.

29 جاغن مو چادغ نق بوات پاڻ کا سائين کمفوغ هق دوق هارف کا مو سعمور،  $^{30}$  فس جاغن دوق چاري بوکو دغن اورغ هق تائبوات ساله اف کفد مو.

31 جاغن مو دوق بردغكي كا اورغ كديبير هق بيڠكيڠ. مو تائكنا توروت چنتوه دي، على كران توهن دوق بنچي كا اورغ هق فراغي كاروت سروف ايت. تافي توهن نق بري تاهو چادغن دي، كا اورغ هق فراغي موليق.

توهن نق تورون بالا اتس رومه اورغ جاهت، تافي دي نق تورون رحمة اتس رومه اورغ بائيك، <sup>34</sup> اورغ هق فندغ هينا كا توهن نون نق فندغ هينا كا دي، تافي اورغ هق مرنده ديري كا توهن، توهن فون نق بوات بائيك كا دي، <sup>35</sup> اورغ هق بيجق فندي، سموا اورغ نق بري حرمة كا دي، تافي، كالو اورغ بوات هق بودوه، دي نق كنا هينا ساج،



## باب 10


- اینیله فرکتائن بیجق هق سلیمان.
   انق هق بیجق فندي بري ایه دي سوک هاتي،
   تافي انق هق توروت جلانن بودوه،
   بري مق دي سوسه هاتي سعمور.
- 2 اورغ هق بوليه هرت تا موليق، اخير دي نق روكي ساج. تافي اورغ هق بوات اف٢ دغن اخلاص هاتي، اخير دي بوليه لفس درفد حكومن ماتي.
- اورڠ هق دوق دڠن اخلاص هاتي تنتو توهن تا بري لافر
   تافي اورڠ هاتي جاهت، توهن نق سكت جالن دي
   تا بري فركارا٢ هق دي ايڤين نق.
  - کالو دوق لیمبر تاغن ساج نق سوسه سعمور،
     تافی تاغن هق راجین نق بری کهور۲ بولیه کای.
  - انق هق راجین، سمفی فریاغ مغتم دی کی کتم سهیغک هابیس، کران دی اورغ هق دوق ایغت کا ماس دافن. تافی انق هق دوق رالیف سروف اورغ جندرا، دی تا باوا اف کلیق ملینکن مالو ساج.
    - توهن نق تورون رحمة اتس اورڠ هاتي بتول،
       تافي كيچيفن اورڠ جاهت، اد توجوان
       نق بري خيانة كا اورڠ.

- تام اورڠ بائيك باپق اورڠ نق ايڠت، فس دڠن ايڠاتن ايت
   دي بوليه تريما لاكني كبائيقكن اورڠ ايت.
   تافي نام اورڠ جاهت تائاد سياف نق ايڠت.
  - اورڠ هق بيجق فندي سوك دڠر نصيحة هق موليق،
     تافي اورڠ هق كني كيچيق سلالو دڠن بودوه،
     تاولام دي نق جاتوه دالم كسوساهن.
    - اورڠ هاتي جوجور بوليه هيدوف دڠن سلامت،
       تافي اورڠ هق دوق توروت جلانن کاروت،
       سود سکالی فربواتن دي نق تربوک.
- 10 بيلا اد فركارا هق تا موليق، فس سموا اورغ بوات تا تاهو، نق جادي كهور سوسه لاكي، تافي اورغ هق براني كي كيچيق كيرا حال ايت، بوليه بري با يك سمولا.
  - 11 اورغ بائيك، كيچيفن دي سروف مات اير هق بري هيدوف كا اورغ، تافي كيچيفن اورغ جاهت، اد توجوان نق بري خيانة كا اورغ.
    - 12 بنچي کا اور ڠ نق بوات بري فچه بله ساج، تافي کاسيه کا اور ڠ تا ٔسير کيرا سموا کسلاهن دي.

- 13 اورڠ هق بيجق فندي، كيچيفن دي اد فائيده، تافي اورڠ هق كيچيق بودوه، بوات بري اورڠ نق كودم دي.
  - 14 اورڠ هق بيجق فندي دوق منمبه علمو سعمور، تافي كيچيفن اورڠ بودوه دوق منمبه كسوساهن ساج.
- 15 هرت هق اورغ كاي، جادي سروف كوت هق كوكوه انتوق دي. تافي ككوراغن اورغ مسكين نق بري دي كهور ٢ دوق سوسه.
  - 16 اورغ هق بوات بائيك، لاب دي، نق بوليه هيدوف دغن سمفرن. اورغ هق بوات جاهت، لاب دي، نق كهور ٢ بردوسا.
    - 17 اورغ هق سوك تريما اجران، دي تمو ده جالن هق بري هيدوف ككل داخيرة. تافي اورغ هق تائسير مفاكو كات دي ساله، دي سست جالن ده.
- 18 اورغ هق مانيس دلوار دوق بنچي دهاتي جادي اورغ منيفو. اورغ هق سوک مڤومفت، جادي اورغ بودوه.
  - 19 كيچيق باپق بري سيلف باپق. فندي فيكير، بوليه جاك مولوت.

- 20 اورغ هاتي بتول، كيچيفن دي سروف فيرق توكت، تافي اورغ هاتي جاهت، فيكران دي تا ترفاكي.
- 21 اورڠ هاتي بتول، کيچيفن دي سروف مکانن هق اد فائيده کا باپق اورڠ، تافي اورڠ هق بودوه نق ماتي مومر کران کبودوهن دي.
  - 22 نعمة توهنله هق بري كاي، كران تا ماري برچمفور دغن كسوساهن.
  - 23 اورغ بودوه بوات ساله دغن سوك مائين، هق اورغ بيجق فندي بركنن نق توروت اتوران موليق.
- 24 هق مان اورغ جاهت دوق تاكوت، دي نق تمو، هق اورغ بائيك كهندق نق تريما، توهن نق بري كا دي.
  - 25 بیلا اغین ریبوت لفس کی، اور څ۲ جاهت هابیس ده، تافی اور څ با یك بولیه دوق کجف سعمور.
  - 26 جاغن سوروه اورغ هق بردغوت بوات كرج انتوق مو، اورغ لاكو ايت سروف چوك ماسوق مولوت، اتو اسف ماسوق مات.
- 27 اورغ هق تاكوت كا توهن، توهن نق بري عمور فنجغ، تافي اورغ هق بوات جاهت، توهن نق بري سيڠكت عمور.

- 28 اورغ بائيك، هرافن دي نق بوليه دغن سوك هاتي، تافي اورغ جاهت، هرافن نق فونه ساج.
- 29 توهن جادي تمفت فرليندوغن انتوق اورغ هاتي جوجور، تافي اورغ هاتي جاهت، توهن نق بري بناس.
  - 30 اورغ هاتي بتول بوليه دوق كجف سعمور دنكري هق سوچي انتوق توهن، تافي اورغ هاتي جاهت، تاليه دوق لام دنكري ايت.
- 31 اورڠ هاتي بتول، مولوت دي نق توبيت فركتائن هق بيجق سعمور، اورڠ هق كيچيفن كاروت، مولوت دي نق كنا كاتوف ده.
  - 32 اورڠ هاتي بتول، فندي كيرا هق مان سوڠ نق كيچيق، تافي اورڠ جاهت دوق كيچيق هق بركاروت ساج.



## باب 11

- 1 برجوال ماكن مات كيلو ، توهن بنچي.برجوال دغن تيمباغن بتول ، توهن بركنن.
- اورڠ هق سوک اڠکيت ديري، تاولام دي نق کنا مالو.
   اورڠ هق بيجق فندي، دي سوک مرنده ديري.
  - اورغ هاتي بتول،
     فراغي هق جوجور ايت نق فيمفين دي كي،
     تافي اورغ هق ماكن كو سعمور،
     فراغي هق بيلق ايت، نق بري ديري دي بناس.
    - 4 ككيائن مائنسي تائاد فائيده فد هاري قيامة.هاتي بتول هق بري لفس فد حكومن توهن.
- فراغي هق بتول نق فيمفين اورغ كني كو جالن هق بتول،
   تافي اورغ هاتي جاهت نق جاتوه دغن كجهاتن دي سنديري.
  - اورغ هاتي بتول،
     فراغي ايت هق بري دي بوليه سلامت،
     اورغ هق ماكن كو دي،
     فراغى ايت نق جادي فرغكف انتوق دي.
  - 7 بيلا اورڠ جاهت ماتي، چادڠن دي فون فوتوس هابيس،
     هارفن دي نق سيا٢ ساج، کران دي تا ٔفادول حال توهن.

- اورڠ بائيك بوليه لفس فد بالا كسوساهن،
   اورڠ جاهت هق كنا تريما بالا كنتي دي.
- اورغ هق تا فادول حال توهن،
   دي نق مڤيانة كا اورغ دغن كيچيفن دي،
   اورغ با يك بوليه سلامت فد بهيا ايت دغن علمو هق دي.
  - 10 بيلا اورڠ بائيك برجاي بوليه ماجو، اورڠ دكمفوڠ دي براس سوك هاتي، فس اورڠ براس سوك هاتي جوڬ، بيلا دڠر خبر كات اورڠ جاهت ماتي ده.
- 11 اورڠ بائيك بري كمفوڠ دي ماجو دڠن جاس كبائيقكن دي.اورڠ جاهت، كمفوڠ دي فونه دڠن كيچيفن دي هق كاروت.
  - 12 اورڠ هق سوک کیچیق هینا حال اورڠ، دي بودوه. اورڠ هق اد فیکران، دي دوق دیام تا کیچیق اف.
  - 13 تا ليه رويت فركارا سوليت كا اورغ هق برجالن كاكي برجالن مولوت. كنا هارف كا اورغ هق فندي جاك فركارا ٢ سوليت.
    - 14 كالو كتوا۲ تا فندي فيمفين رعيت ٢ دي، نكري ايت نق جاتوه. كنا دوق دڠر نصيحة داورڠ٢ هق بيجق فندي، بارو نكرى ايت نق سلامت.

- 15 بیلا اورغ اد چادغن نق براوتڠ باپق، مو جاغن جادي اورڠ هق جامین دي. تنتو مو نق سوسه. کالو نق دوق سنڠ، بري جاوهله ديري مو فد کرج ايت.
- 16 اورڠ بتينا هق بائيك بودي بهاس، نق بوليه حرمة دسموا اورڠ. اورڠ هق كرس هاتي، دياله هق نق كاي.
- 17 بیلا کیت بوات بائیك کا اورغ، سروف کیت بوات بائیك کا دیري کیت سندیري. بیلا کیت بوات هودوه کا اورغ، سروف کیت بوات هودوه کا دیري کیت سندیري.
- 18 اورغ هق بوليه لاب دغن كجهاتن دي، دي تيفو ديري دي سنديري، هق ايت بوكن لاب. تافي اورغ هق دوق بوات بائيك سعمور، سروف دي تانم بنيه هق نق توبيت حصلن موليق انتوق دي.
  - 19 اورغ هق تبيغ بوات بائيك، دي نق هيدوف داخيرة، اورغ هق تبيغ بوات جاهت، دي نق ماتي داخيرة.
    - 20 توهن هابيس٢ بنچي كا اورڠ هاتي بركاروت. تافي دي كاسيه سوڠكنوه كا اورڠ هاتي جوجور.

- 21 ننتي تيڠوقله، اورڠ هق بوات جاهت تا ُليه لاري فد حكومن، تافي اورڠ هاتي بتول، توهن نق بري لفس فد حكومن ايت.
  - 22 اورڠ بتينا چوميل هق تا'اد بودي بهاس، دي سروف سوبڠ امس دهيدوڠ بابي.
  - 23 اورغ هاتي بتول نق بوليه فركارا بائيك هق دي دوق هارف. تافي اورغ هاتي جاهت تائليه هارف كا اف ملينكن مرك توهن.
    - 24 اد اورغ هق سوک بري دغن موره هاتي، تافي هرت دي نق کهور ۲ منمبه باپق. فس سئورغ لاکي تائسير بري هق سوغ بوليه بري. سود سکالي هرت دي نق کهور ۲ کورغ.
    - 25 اورڠ هق دوق دڠن موره هاتي نق کهور ۲ منمبه رزقي. اورڠ هق سوک تولوڠ اورڠ، دي نق بوليه فرتولوڠن.
      - 26 اورغ هق تاروه كندوم تا سير جوال، تكه اورغ تا اد نق ماكن، دي نق كنا سومفه ماكي.

تافي اورغ هق جوغ جوال فد ماس ايت، سموا اورغ نق مينتا توهن تورون رحمة اتس دي.

- 27 اورغ هق چاري جالن نق بوات بائيك، دي نق تمو هق بائيك، تافي اورغ هق چاري جالن نق بوات جاهت، دي نق تمو هق جاهت.
- 28 اورغ هق دوق هارف كا هرت دي،
  تائلام دي نق جاتوه سروف دائون كايو هق لوروه،
  تافي اورغ هاتي بتول بوليه دوق كجف سعمور،
  سروف فوهون كايو هق سوبور.
- 29 اورغ هق بري كلوارك دي سوسه، فساك هق نق تورون كا انق٢ دي جادي هابو اڠين ساج، اورغ هق بودوه، دي كنا جادي كولى كا اورغ هق بيجق فندي،
- 30 فربواتن هق موليق نق تمبه كهيدوفن اورڠ لائين جوك. تافي فربواتن هق هودوه نق بري فونه كهيدوفن اورڠ ساج.
  - 31 كالو اورڠ بائيك بوليه تريما بالسن هق سوڠ انتوق دي، تكه دوق ددنيا،
    - لبيه ٢ لاكني اورغ بردوسا هق بوات جاهت ايت، كنا تريما بالسن هق دي.

## باب 12

- اورڠ هق نق منمبه علمو، دي بنر بري اورڠ بنتوق دي.
   اورڠ هق تا ٔسير تريما تڬهن، جادي اورڠ بودوه.
- توهن بركنن كا اورغ هق بوات بائيك.
   دي نق جاتوه حكوم اتس اورغ هق چادغ نق بوات جاهت.
  - اورڠ هق كلاكوان جاهت، دي تا ليه دوق سلامت،
     تافي اورڠ با يك، بوليه دوق كجف سعمور.
  - بيني هق فراغي موليق جادي سروف چينچين امس دجاري تو لاکي دي.
     بيني هق فراغي تا موليق بري لاکي دي مالو، سروف فپاکيت بوروق تولغ.
    - کیت بولیه دغر کا نصیحة اورغ بائیك،
       دی نق رویت هق بتول،
       تافی اورغ جاهت کیت تائلیه هارف،
       دی نق ماکن کو ساج.
    - کیچیفن اور څ جاهت نق بري اور څ ماتي.
       کیچیفن اور څ با یك نق بري سلامت كا اور څ.
- 7 اورڠ جاهت نق ماتي، فس باک دي تا اد ده.
   تافي اورڠ با يك نق دوق كجف سمفي كا انق چوچو دي.

- اورڠ هق فيكران اد ايسي، سموا اورڠ نق فوجي،
   تافي اورڠ هق فيكران بركاروت، سموا اورڠ نق هينا.
- 9 بائيك لاكني جادي كولي هق بوليه چوكوف ماكن هاري٢،
   فد اورڠ هق براڠين نق جادي فريڠكت تيڠكني،
   تافى تائچوكوف ماكن.
- 10 اورغ هاتي بائيك دوق فادول كا بناتغ دي هق بوات مناريق، تافي اورغ هاتي جاهت، هق دي كات كسياغ بلس، اورغ لائين كات ظاليم.
  - 11 اورڠ هق راجين برڬالا دتانه دي، نق بوليه ماكن دڠن سمفرن. اورڠ هق بودوه دوق توروت سموا هق تا ٔاد فا ٔيده.
  - 12 ولو اورغ جاهت كات دي دوق دالم كوت هق كوكوه، هق ايت بوليه رونتوه هابيس، تافي اورغ بائيك بوليه دوق كجف سعمور.
- 13 اورڠ جاهت كنا فرڠكف دڠن فركتائن دي سنديري،اورڠ بائيك تائكنا سوسه بالس ايت، سابيت كيچيفن دي كنا.
  - 14 هق مان كيت كيچيق لاني، بري بوليه تريما حصلن كو دافن، كران هق مان كيت بوليه كو دافن، دوق بركنتوغ فد كرج هق كيت بوات لاني.

- 15 اورغ هق بودوه، دي كات فيكران هق دي ايت بتول سعمور. اورغ بيجق فندي، دي امبيق فيكران داورغ لائين جوك.
  - 16 بيلا اورغ ماري كيچيق هق هودوه، اورغ بودوه نائيك فانس بري نمفق سلالو. تافي اورغ هق فندي فيكير، دي بوات تائتاهو حال ايت.
  - 17 اورڠ هاتي جوجور، دي نق جادي سقسي هق بتول. اورڠ هاتي بيلوق، دي نق جادي سقسي هق بوهوڠ ساج.
  - 18 فركتائن هق توبيت دغن تائفيكير بوليه تيكم سروف فيسو، تافي فركتائن اورغ هق بيجق فندي بوليه بري هيلغ لوك.
    - 19 كيچيفن هق بوهوغ تا لام نق تربوك. كيچيفن هق سوغكوه نق تاهن سعمور.
    - 20 اورغ هق چادغ نق بوات جاهت، هاتي دي دوق فنوه دغن فيكران هق تا موليق. اورغ هق چادغ نق بوات با يك، دي بوليه دوق دغن هاتي سنغ.
  - 21 اورغ هق دوق بوات جاهت نق تمو بالا كسوساهن سعمور. اورغ هق دوق بوات بائيك، تائتمو بالا سروف ايت.
    - 22 مولوت هق كيچيق بوهوغ، توهن بنچي. اورغ هاتي جوجور، توهن بركنن.

- 23 اورغ هق فندي ميكير دوق سوسوف علمو دي تاكيچيق باپق. اورغ هق بودوه دوق كوسنر كبودوهن دي دافن سموا اورغ.
  - 24 تاغن هق راجين، نق جادي توكيه، تاغن هق مالس، نق كرج جادي كولي اورڠ سعمور.
  - 25 اورغ هق بيمبغ باپق فركارا، هاتي دي دوق سوسه. كيچيفن هق موليق، بوليه تمبه سماغت كا دي.
    - 26 اورغ هاتي بائيك نق فيمفين سائين دي كي كو جالن هق موليق، تافي اورغ هاتي جاهت، جلانن دي نق بري اورغ كهور ٢ سست.
  - 27 اورغ هق مالس برپوه، دي تائليه تريما هق مان دي نق. اورغ هق راجين کرج، دي نق باغت جادي کاي.
    - 28 كلاكوان بائيك باوا اورغ كني كو جالن هيدوف. كلاكوان جاهت باوا اورغ كني كو جالن ماتي.


## باب 13

- اورڠ بيجق فندي نق فرهاتي دڠر اجران ايه دي.
   اورڠ هق فندڠ هينا كا اجران ايت، تا اد فا يده نق تكه دي،
   كران دي تا سير دڠر.
  - کیچیفن اور څ با یك بري دي بولیه تریما هق با یك.
     اور څ هق سو ک منیفو، دي ایغت نق بوات خیانة ساج.
  - اورڠ فندي فنتڠ مولوت نق بوليه سلامت کا ديري دي،
     اورڠ مولوت باپق، نق بري خيانة کا ديري دي ساج.
  - اورڠ مالس، دي دوق ايڤين نق٢، تافي تائيه اف سكارا.
     اورڠ هق راجين نق بوليه كهندق هاتي دي دڠن سمفرن.
    - اورڠ بائيك دوق بنچي كا هق هودوه.اورڠ جاهت دوق بوات هق تركجي، نق بري مالو ساج.
      - فراڠي جوجور نق باوا ٔ اورڠ کني کو ٔ جالن هق موليق ،
         فراڠي جاهت نق باوا ٔ اورڠ بري فونه .
- اد اورڠ هق بوات سروف دي کاي، تافي هرت تااد.
   اد اورڠ هق دوق سروف اورڠ مسکين، تافي هرت دي باپق.
  - اورڠ كاي بوليه فاكي هرت دي انتوق تبوس پاوا.
     اورڠ مسكين، تا ًاد سياف ماري كوسيق.

- 9 اورغ بائيك، دي سروف فليتا هق مپالا قواة تافي اورغ جاهت، تائلام فليتا دي نق فادم.
- 10 اورغ تكبور بوات بري جادي باله، كران تا كيرا كا اورغ. اورغ بيجق فندي، دي كي چاري نصيحة بلوم فد بوات.
  - 11 هرت هق بولیه دغن تیبا۲، تا ٔلام نق هابیس، هرت هق بولیه دغن کرج، نق منمبه کهور۲ باپق.
    - 12 هرافن هق تا جادي بري لمه سماڠت. اورڠ هق بوليه كهندق هاتي، دي براس سكر.
      - 13 اورغ هق فندغ هينا كا فركتائن توهن، نق بري فونه كا ديري ساج. اورغ هق دوق طاعة كا حكوم ٢ توهن، دي نق تريما بالسن هق موليق.
- 14 فقاجران اورغ بيجق فندي سروف مات اير هق بري هيدوف ككل. فقاجران ايت بري بوليه سلامت درفد بهيا هق نق بري ماتي.
  - 15 اورغ هق اد فیکران بائیك، سموا اورغ نق كي كيرا دغن دي. اورغ هق تائليه هارف، فراغي دي ايت برى فونه كرجائن دي سنديري.

- 16 اورغ بيجق فندي، دي فيكير دولو بلوم فد بوات، تافي اورغ بودوه بري نمفق كبودوهن دي ساج.
  - 17 اورغ هق كني رويت خبر بري ساله، دي بوات بري اورغ سوسه. اورغ هق فندي باوا خبر، دي تولوغ بري اورغ جادي بائيك.
- 18 اورغ هق تا توروت اجران، دي نق كنا هينا دغن مسكين. اورغ هق بري با يقكي كسلاهن دي، نق تريما حرمة داورغ.
  - 19 موليق سوغكوه، اورغ هق بوليه كهندق هاتي دي، بودوه سوغكوه، كالو تا سير فاليغ تيڠكل هق جاهت.
  - 20 كالو دوق چمفور كا ول دغن اورغ بيجق فندي، نق جادي بيجق فندي جوك. كالو برسا ين دغن اورغ فيكران بودوه، نق كنا سوسه ساج.
    - 21 اورغ هق سوك بوات ساله، نق تمو دغن كمالغن سعمور. اورغ هق بائيك، توهن نق تورون رحمة اتس دي.
    - 22 هرت اورغ بائيك، بوليه تورون كا انق چوچو دي، هرت اورغ بردوسا، نق جاتوه كا اورغ لائين هق بائيك.

- 23 توجوه تاهون سكالي توهن لارغ تا بري توان كبون كي كوتيف اف٢، انتوق بري اورغ مسكين بوليه ماكن حصلن ايت، تافي عادة اين، اورغ هق لڤكر حكوم، بري ليسوس كي.
  - 24 اورغ هق تا سير اجر انق جنتن دي دغن كودم، سروف دي تا كاسيه كا انق. اورغ هق كاسيه كا انق، اورغ هق كاسيه كا انق، نق تبيغ اجر دي بري موليق
  - 25 اورڠ بائيك اد چوكوف بوليه ماكن بري كپڠ. اورڠ جاهت، فروت دي كنا دوق لافر.



## باب 14

- اورڠ بتينا هق بيجق فندي بري رومه تڠڬ دي دوق كجف.
   اورڠ بتينا هق بودوه، بري رونتوه دڠن تاڠن دي سنديري.
- توروت جالن هق بتول تندا كات اورڠ هق تاكوت كا توهن.
   توروت جالن هق بيلوق، تندا كات اورڠ هق هينا كا توهن.
  - کیچیفن اور څ بودوه،
     سروف دي هولور توڅکت کایو بري اور څ کودم دي.
     کیچیفن اور څ بیجق فندي، تولو څ بري دیري دي سلامت.
    - كالو اورغ تا فيرا لمبو كاسي دي بري موليق،
       رومه فادي دي نق كوسوغ.
       دغن ريغ لمبو كاسي هق كاكه ايت،
       اورغ نق بوليه حصلن لبيه٢.
- مقسي هق بوليه هارف تا بياس كيچيق بوهو ع.
   سقسي هق تا ليه هارف، سموا هق توبيت دمولوت دي بوهو ع.
  - 6 اورغ سومبوغ تائتمو دغن علمو هق بري بيجق فندي. تافي اورغ هق دوق فيكير، موده نق بوليه علمو.
    - دوق جا وهله فد اورڠ هق فیکران بودوه،
       تا لیه تریما علمو مان دمولوت دي.

- 8 اورغ بيجق فندي بوليه كيرا هق مان دي كنا بوات. اورغ بودوه كنا تيفو دفيكران دي هق بودوه ايت.
- 9 اورڠ هق بودوه دوق بوات ساله دڠن تا ٔفادول كا توهن.
   اورڠ هاتي بتول دوق چاري جالن نق بري با ٔيك دڠن توهن.
  - 10 اورغ لائين تائليه تاهو سكت مان هاتي كيت لوك اتوا كمبيرا، ملينكن هاتي كيت سنديري هق تاهو.
    - 11 رومه تڤك اورڠ بائيك بوليه دوق تاهن لام، تافي رومه تڤك اورڠ جاهت، تاللام نق رونتوه.
    - 12 اد جالن هق اورغ سڤک کات مولیق انتوق دي، تافي جالن ایت نق بري ماتي ساج.
- 13 ولو كيت دوق سوك ٢ فون، دالم هاتي بوليه دوق سوسه. لفس سوك چيتا، نق تمو دوك چيتا فول.
  - 14 اورغ هاتي بركاروت نق تريما بالسن هق سوغ دغن كلاكوان دي. اورغ بائيك نق تريما بالسن هق سوغ دغن فربواتن دي فول.
  - 15 اورغ هق تا اد علمو، موده فرچاي هق اورغ رويت كا دي، اورغ هق فندي فيكير، دى دوق كيرا دولو هق مان دي كنا بوات.

- 16 اورڠ بيجق، دي فندي جاڬ ديري تا ُبري كنا بهيا. تافي اورڠ بودوه، دي كني بوات اف٢ دڠن تا ُبرايڠت.
  - 17 اورغ فراغي فوغه موده كي بوات هق بودوه. اورغ هق بيجق فندي، دي بوليه دوق صبر.
- 18 اورڠ هق فندي فيكير، نق كهور ٢ منمبه علمو، تافى اورڠ هق تا ًاد علمو نق منمبه كبودوهن دي ساج.
- 19 اور څ۲ جاهت، سود سکالي کنا توندوق کا اور څ با یك. دي نق ماري مينتا دافن فينتو اور څ هاتي بتول.
  - 20 اورڠ مسكين تا اد سياف دوق فادول، سائين ٢ دتفي رومه فون تا تولوڠ، تافي اورڠ كاي، سائين دي باپق.
- 21 كالو نق دوق سنغ هاتي، كنا امبيق فادول كا اورغ مسكين، كالو بوات هينا كا اورغ سروف ايت، جادي دوسا.
  - 22 اورڠ هق كاچڠ بوات بائيك، نق بوليه حرمت، فس دي نق تمو سائين هق بوليه هارف. اورڠ هق كاچڠ بوات جاهت، دي سست جالن ده.
    - 23 كرج سموا فركارا اد فائيده. كالو اورڠ دوق كيچيق٢ ساج، نق جاتوه مسكين.

- 24 اورغ بيجق فندي نق كهور٢ منمبه كفنداين دي، اورغ فيكران بودوه نق كهور٢ منمبه كبودوهن دي.
  - 25 سقسي هق بتول بوليه تولوغ بري سلامت. سقسي هق بوهوغ بري خيانة كا اورغ.
  - 26 اورغ هق دوق تاكوت كا توهن بوليه دوق كجف دغن هارفن هق تنتو. فس انق ٢ چوچو دي اد تمفت فرليندوغن.
  - 27 اورغ هق دوق تاكوت كا توهن، سروف دي اد مات اير بري هيدوف. اورغ ايت بوليه دوق جائوه فد فرغكف ماتي.
    - 28 رعیت ۲ له هق بري راج اد کواس. کهور رامي رعیت، کهور ملیا نام راج دي. کالو رعیت تا ًاد، راج نق جاتوه سلالو.
- 29 اورڠ هق بيجق فندي بوليه دوق صبر. اورڠ هق موده نائيك موريه دوق تنجوق كبودوهن دي ساج.
  - 30 كالو جاك بري هاتي دوق سنڠ، توبوه بدن فون نق صيحة جوك. كالو دوق بردڠكي، سروف توبوه بدن جادي بوروق دالم.

- 31 كالو بوات پاڻ كا اورغ مسكين، سروف بوات هينا كا توهن هق بري جاديكن دي. كالو دوق كسياغ بلس كا اورغ هق تا چوكوف نق ماكن، سروف كيت دوق حرمة كا توهن جوك.
  - 32 فربواتن هودوه هق اورغ جاهت، نق بوات بري دي سنديري بناس، فربواتن موليق هق اورغ جوجور، نق جادي تمفت فرليندوغن انتوق دي.
  - 33 اورغ هق چاري جالن نق ارتي، فيكران بيجق دوق لكت دهاتي دي. تافي اورغ بودوه، تا اد اف هق لكت دهاتي.
  - 34 كالو رعيت ٢ توروت هق بتول، نكري دي نق تيمبول. كالو رعيت كلاكوان جاهت، نكري ايت نق كنا هينا.
- 35 راج بركنن كا منتري٢ هق بوات كرج دغن موليق، تافي دي نق تورون مرك اتس منتري هق بري جاتوه نام دي.


- ا جواب دغن لمه لمبوت
   نق بري اورغ هق موريه كهور ٢ سجوق،
   فركتائن هق فانس نق بري كهور ٢ موريه لاكي.
  - اورڠ بيجق فندي،
     كيچيفن دي بري تمبه علمو كا اورڠ.
     اورڠ فيكران بودوه،
     هق توبيت دمولوت دي كبودوهن ساج.
- توهن دوق تیغوق بلاک،
   نق تاهو هق مان کیت بوات، بائیك دغن جاهت.
  - 4 فركتائن هق بائيك بوليه تمبه سماڠت. فركتائن هودوه نق بري هابيس سماڠت ساج.
    - 5 اورغ هق فیکران بودوه، دوق فندغ هینا کا اجران ایه دي، اورغ هق فیکران فندي، نق تریما نصیحة دایبو باف دی.
- هرت اورڠ بائيك نق كهور٢ منمبه سعمور،
   تافي هرت اورڠ جاهت نق هيلڠ، كران تيمفا دبالا.
  - 7 علمو هق موليق ماري داورڠ بيجق فندي،بوكن داورڠ هق بودوه.

- 8 قربان هق اورغ جاهت، توهن بنجي، تافي دعا اورغ بائيك توهن بركنن.
- 9 کلاکوان جاهت توهن بنچي، دي کاسيه کا اور ڠ هق کاچ ڠ بوات توروت کهندق دي.
  - 10 اورغ هق تيڤكل جالن يڠ بتول، نق كنا حكومن برت. اورڠ هق تا سير تريما نصيحة، دي نق ماتي.
- 11 توهن تاهو سموا هق جادي دعالم برزخ تمفت اورغ ماتي ايت. لبيه ٢ لاكي دي تاهو سموا هق أد دالم هاتي ما نسي ددنيا.
  - 12 اورغ هق فندغ هينا كا علمو هق موليق، دي تا سير تريما اجران اتوا كي چاري نصيحة داورغ هق بيجق فندي.
    - 13 سوك هاتي بري موك مانيس، سوسه هاتي بري موك ماسم.
  - 14 اورڠ فيكران بيجق نق تمبه علمو دي سعمور، اورڠ فيكران بودوه دوق فواس هاتي دڠن كبودوهن دي.
    - 15 اورغ مسكين، كنف٢ هاري هيدوفن دي سوسه، كالو بوليه دوق دغن سنغ هاتي، سروف كپغ ده.

- - 16 موليق لاكني دوق مسكين دغن تاكوت كا توهن، فد جادي اورغ كاي هق كنا كسوساهن سعمور.
  - 17 موليق لاكني ماكن هودوه دغن كاسيه سام سنديري، فد ماكن داكيغ هق موليق دغن كلاهي باله سعمور.
    - 18 هاتي فانس بري جادي برلاونن، هاتي صبر بوليه بري با يك سمولا.
- 19 جالن هق اورغ مالس نائيك سمق دغن فوهون دوري سعمور. جالن هق اورغ جوجور جادي سروف باتس هق ليچين موليق.
  - 20 انق هق بيجق فندي بري ايه دي سوك هاتي، تافي انق هق بوات بودوه، سروف دي فندغ هينا كا ايبو باف دي.
  - 21 اورغ هق مالس ميكير دوق سوك هاتي دغن كبودوهن دي، اورغ هق دوق ميكير نق چاري جالن هق اد فائيده.
    - 22 كالو تا چاري نصيحة دولو، چادغن تا جادي. كنا امبيق فيكران داور ع٢ هق فندي، بارو نق برجاي.
      - 23 جوافن هق كنا، بري اورڠ سوك هاتي، موليق سوڠكوه، فركتائن هق سوڠ انتوق ماس ايت.

- 24 اورغ بیجق فندي دوق توروت جالن هق توجو کا تمفت هیدوف. بالس توله دي بولیه لفس فد جالن هق توجو کا تمفت ماتی.
- 25 رومه تفك اورغ تكبور، توهن نق بري بناس، تافي اورغ بتينا هق لاكي ماتي ده، توهن نق جاك باتو يارا دتانه هق دي.
  - 26 فيكران اورغ هاتي جاهت، توهن بنچي. فركتائن اورغ هاتي سوچي، توهن بركنن.
    - 27 اورغ هق نق كا لاب كو جالن حرام، كلوارك دي نق كنا تيمفا دبالا. اورغ هق بنچي كا ماكن سواف، دي بوليه دوق دغن سلامت.
- 28 اورغ هاتي بائيك دوق فيكير دولو هق مان نق جواب، اورغ هاتي جاهت توبيت فركتائن هودوه سروف اير منچر.
  - 29 توهن دوق سفكغ جائوه فد اورغ هاتي جاهت، تافي دعا اورغ بائيك، توهن دغر سلالو.
  - 30 کي تمو اور څ دغن موک مانيس، بري دي سوک هاتي، فس باوا خبر بائيك كا دي بوليه بري تمبه سماڠت.

- 31 اورڠ هق جوڠ دڠر اجران بري اد فائيده، دي ترماسوق فواق اورڠ بيجق فندي ايت.
  - 32 اورغ هق تا سير تريما اجران، سروف دي هينا كا ديري دي سنديري. تافي اورغ هق جوغ تريما اجران ايت، فيكران دي نق فندي لاكني.
- 33 دوق دغن تاكوت كا توهن، جادي اجران هق بوليه بري بيجق فندي. فس كالو دوق دغن مرنده ديري، بارو اورغ نق حرمة.



- مائنسي بوليه بوات چادغن باپق فركارا،
   تافي توهنله هق بنر بري.
- سموا هق ما نسي دوق بوات دي براس موليق، تافي توهنله
   هق فيقست هاتي ما نسي ايت كات موليق كا دق.
  - 3 سرهله چادغن مو کا توهن دولو،بارو کرج۲ مو نق برجاي.
  - سموا هق توهن بري جاديكن ايت،
     اد توجوان انتوق دي ماسيڠ ٢٠
     اورڠ ٢ جاهت فون اد توجوان جوڬ.
     دي دوق ننتي هاري هق نق كنا حكومن.
  - 5 اورغ تكبور ايت، توهن بنچي. جاغن كات دي نق بوليه لفس، ننتي دي نق كنا حكومن.
    - اورڠ هق كاسيه كا توهن دغن طاعة ستيا، دي نق تريما امفون اتس دوسا۲ دي. اورڠ هق دوق دغن تاكوت كا توهن، دي تائكنا تمو بالا مان٢ فون.
- 7 بيلا اورڠ هيدوف كو ٔ جالن هق توهن بركنن،
   سترو٢ دي فون نق چاري جالن بري با يك سمولا دڠن دي.

- 8 بائیك بولیه سیكیت دغن هاتی مولیق،
   فد بولیه باپق دغن بوات هق تا بتول.
- اورڠ بوليه بوات چادڠن،
   تافي توهنله هق تنجوق جالن اتس چادڠن ايت.
- 10 راج فندي بوات كفوتوسن دغن علمو هق ماري دتوهن، سابيت توله، دي بوليه كرت سين دغن عاديل.
  - 11 جوال دغن تيمباغن، كنا بري بتول كران كيلو ايت جادي ميليق هق توهن. توهنله هق بري فندي بوات فركاكس ايت. سبب ايت كنا تيمبغ بري بتول.
  - 12 تحت راج كنا دوق اتس فلافيق هق سوچي دغن عاديل. هودوه سوڠكنوه، كالو راج دوق بوات هق جاهت.
    - 13 فركتا ً ن هق جوجور بري راج سوك هاتي، دي بركنن كا اور ڠ هق كيچيق بتول.
    - 14 مرک راج جادي تندا کات اورغ نق ماتي. اورغ هق بيجق فندي بوليه بري هيلغ مرک ايت.
- 15 بيلا راج سوك هاتي، رعيت دي بوليه دوق دغن سلامت، بيلا راج بركنن كا رعيت دي، سروف اون باوا هوجن ماري فرياغ كمارو.

- 16 بوليه فيكران بيجق، موليق لاكني فد بوليه امس، اورڠ هق فندي كيرا، هرك دي لبيه لاكني فد فيرق.
- 17 جلانن اورغ بائيك تا باوا دي كني كا تمفت هق جاهت، اورغ هق دوق جاك جلانن دي، بوليه هيدوف دغن سلامت.
  - 18 اورڠ سومبوڠ مستي کنا جاتوه، اورڠ هاتي تکبور فون، تالام دي نق بناس.
  - 19 بائيك مرنده ديري جادي اورغ مسكين، فد كني برسائين دغن اورغ تكبور، انتوق نق بوليه سكيان دالم دويت دي هق تائموليق.
  - 20 فرهاتیله با یک کا فرکارا ۲ هق سبنر ، بارو مو نق برجای. هارفله کا توهن ، بارو مو نق سنڠ هاتی سوڠکوه.
  - 21 اورڠ هق بيجق، بوليه نمفق كات دي فندي كيرا هق بتول، دڠن كيچيفن لمه لمبوت فون، دي بوليه فيمفين اورڠ كي بوات هق بائيك.
    - 22 علمو اورغ بيجق فندي سروف مات اير انتوق دي، تافي كبودوهن اورغ بودوه هق جادي حكومن اتس دي.
      - 23 اورڠ هق بيجق فندي دوق فيكير دولو بارو كيچيق. دڠن كيچيفن ايت فون، دي بوليه فيمفين اورڠ كي.

- 24 فركتائن بائيك سروف منيسن مادو، راس مانيس دمولوت، بري توبوه بدن صيحة.
- 25 اد جالن هق اورغ سغک کات مولیق انتوق دي، تافي جالن ايت نق بري ماتي ساج.
  - 26 كلافرانله هق بري اورڠ كنا كرج برت، كران دي نق ماكن بري كپڠ.
- 27 اورڠ هاتي بركاروت دوق چاري جالن نق بوات خيانة ساج، كيچيفن دي فون سروف افي هق دوق سلر بري كنا اورڠ.
- 28 اورغ هاتي بركاروت ايت، دي سوك فرلاك اورغ بري باله. اورغ هق سوك مڠوفت فون نق بري سائين دي فچه بله.
  - 29 اورڠ هق سوک بوات خيانة، دي فندي کاي اورڠ بري کني کو ٔ جالن هق تا ٔموليق.
    - 30 اورغ هق فریت مات، دی دوق چادغ نق بوات هق تامولیق. اورغ هق بوات تندا دغن مولوت فون، توجوان دی نق بوات جاهت.
      - 31 كفلا اوبن جادي تندا كات مليا، كران اورغ ايت هيدوف لام ده، كو جالن هق توهن بركنن.

#### فركتائن بيجق باب 16-17

- 32 موليق لاكني دوق صبر فد بوليه فريڤكت تيڤكني. فس موليق لاكني تاهن ديري فد سرڠ كوت سترو٢ بري منڠ.
- 33 ما نسي بوليه چمفق اوندي نق تاهو هق مان دي كنا بوات، تافي توهنله هق كرت سين اتس فركارا ٢ ايت.

- 1 بائيك ماكن ناسي ساج، اصل هاتي دوق سنڠ، فد ماكن كولي٢ سدف، درومه هق اورڠ دوق بحس سعمور.
- كولي هق كرج دغن بيجق فندي،
   بوليه امبيق فرينته اتس انق توان دي هق تا ترفاكي،
   فس سود سكالي، كولي ايت نق بوليه فساك
   سكالي دغن انق٢ توان دي.
  - امس دغن فيرق كنا اوجي دغن افي،فس هاتي مائنسي، توهنله هق اوجي.
  - 4 اورڠ جاهت سوك دڠر چادڠن هق جاهت،
     اورڠ بوهوڠ فون سوك دڠر چريتا هق بوهوڠ.

- اورڠ هق دوق مڠنجيڠ كا اورڠ مسكين، سروف دي دوق هينا كا توهن هق بري جاديكن اورڠ ايت. اورڠ هق دوق سوك٢ تكه اورڠ لائين كنا تيمفا دبالا، دي سنديري نق كنا حكومن.
- اورڠ هق جادي تو ٔ براس بسر هاتي اتس انق چوچو دي.
   اورڠ هق جادي انق فون براس بسر هاتي اتس ايبو باف دي.
  - وركتائن هق موليق، تائهارف نق دغر دمولوت اورغ بودوه،
     لبيه ۲ لاكي تائسوغ، نق دغر فركتائن بوهوغ دمولوت راج.
    - اد اورڠ هق كات، سواف دويت ايت سروف مات چينچين هق برتواه،
       كني فاكي دمان٢ فون، دي بوليه برجاي.
      - و اورغ هق تا ٔامبیق ساله کا اورغ ، سائین کاسیه کا دی تا ٔفوتوس. اورغ هق کی کیچیق حال اورغ ، سروف دی نق بوات سائین جادی سترو.
        - 10 اورغ هق بیجق فندي، تکه دي سکالي ساج، ماسوق هاتي ده. اورغ فیکران بودوه، فیات سراتوس کالی فون، تا 'براس اف.

- 11 اورغ جاهت دوق چاري جالن سعمور نق برلاون دغن كراجائن، نتي كراجائن نق سوروه اورغ بيڠكيڠ كني جاتوه حكوم كا دي.
  - 12 موده لاكي كيرا دغن ايبو برواغ هق اورغ چوري انق دي، فد كيرا دغن اورغ فيكران بودوه، هق دوق كادوه دغن كبودوهن دي.
- 13 اورڠ هق بالس بودي دڠن بوات جاهت،ننتي، فركارا۲ جاهت نق لكت درومه تڠڬ دي سعمور.
- 14 مولا ۲ نق جادي بوكو، سروف اير دوق مڤالير دتمفت رتق. بائيقكيله سلالو، جاڠن بري فچه جادي بسر.
  - 15 جاتوه حكوم اتس اورغ هق تا بوات ساله، اتوا بري لفس كا اورغ هق بوات جاهت. دوا فركارا ايت هق توهن بنچى.
  - 16 اف فا يده بري دويت كا اورغ بودوه انتوق كي مڤاجي؟ سبب اوتق دي تا ليه تريما اف سكارا.

- 17 سائين هق سجاتي نق دوق رافت دغن کيت سعمور. اديق براديق فون برانق ماري انتوق بري تولوغ دالم کسوساهن.
  - 18 اورغ نق براوتغ انتوق بوات كرج بسر، فس دي چاري اورغ نق جامين دي. بودوه سوغكوه كالو جامين اورغ بالس ايت.
  - اورغ هق سوك كلاهي باله، سروف دي كات: اكو سوك لڤكر حكوم توهن. فس اورغ هق دوق اڠكيت ديري، تائلام دي نق كنا تيمفا دبالا.
- 20 اورڠ هاتي بركاروت، بوات اف٢ فون تا ماجو، اورڠ ليده برچابڠ فون، مستي كنا جاتوه دالم كسوساهن.
- 21 كالو انق بوات هق بودوه، تنتو ايه دي كنا ساكيت هاتي. بالس مان نق سوك هاتي دغن انق هق بودوه سروف ايت؟
- 22 هاتي هق دوق سوك كمبيرا جادي اوبت انتوق توبوه بدن. كالو دوق دغن تا ًاد سماغت، براس سروف هابيس ريغ.
- 23 حاكيم هق تا موليق، دي دوق ماكن سواف دغن سوليت، بري تا ليه كرت سين هق عاديل.

### فركتائن بيجق باب 17-18

- 24 اورغ هق اد فيكران، دوق چاري علمو هق نق بري دي بيجق فندي لاكني. اورغ هق بودوه، دوق تيڠوق بلاك تافي تيڠوق ساج.
- 25 انق هق بوات بودوه، بري ايه دي ساكيت هاتي، لبيه د لاكني مق هق برانق كا دي نق سديه هاتي جوك.
  - 26 تا مولیق بری اور غ هق تا ساله کنا دندا، اتوا سوروه جاتوه حکوم فیات اتس اور غ هق جوجور.
    - 27 اورغ هِق اد علمو، بوليه فنتغ ليده دي دوق صبر كران دي فندي كيرا هق مان كنا بوات.
      - 28 اورڠ بودوه، كالو دوق ديام اورڠ نق كات بيجق. كالو دي بوليه فنتڠ مولوت، اورڠ نق كات: ها! اورڠ اين فيكران دالم.

- اورڠ هق تا سير برسا ين، دوق ايڤت كا ديري دي ساج،
   چادڠن هق سموا اورڠ كات موليق، دي دوق بحس سعمور.
  - اورڠ هق بودوه تا سير دڠر فيكران اورڠ لا ين
     دي نق بري سموا اورڠ دڠر فيكران دي ساج.

- 3 بوات تا مولیق بري کیت مالو.
   فس کالو جاتوه نام ده، اورغ فون نق فندغ هینا.
- اورڠ هق بيجق فندي،
   فركتائن دي دالم سروف اير دتڠه لاؤت.
   فيكران دي توبيت سروف مات اير هق دوق مڠالير سعمور.
  - تا مولیق دوق سبله اور ڠ هق بوات ساله،
     اتوا جاتوه حکوم اتس اور ڠ هق تا ساله اف٢.
- اورڠ بودوه، كيچيفن دي بري اورڠ برباله.
   بوات بالس ايت، سروف دي هاجق اورڠ ماري كودم دي فول.
  - مولوت اورڠ بودوه بري فونه کا ديري دي،
     فرکتائن دي سنديريله هق جادي فرڅکف انتوق دي.
    - 8 فركتائن مغوفت سروف مكانن سدف
       هق مسرا ماسوق دالم فروت.
    - 9 اورڠ هق بوات كرج مائين٢،
       جادي اديق براديق دڠن اورڠ هق كرج كاسر.
  - 10 نام توهن اد كواس، سروف كوت هق كوكوه. اورغ هاتي بتول بوليه لاري ماسوق دالم ايت بري سلامت.
  - 11 اورڠ كاي سڠك كات هرت دي ايت سروف كوت هق كوكوه دغن فاكر باتو هق تيڠكي، انتوق بري ليندوڠ ديري دي.

- 12 اورڠ هاتي تكابور تالام نق كنا بناس. اورڠ هق مرنده ديري، دياله هق اورڠ حرمة.
- 13 اورڠ هق كادوه جواب تائنتي اورڠ رويت بري سود دولو، هق ايت بودوه، فس تالام دي نق براس مالو.
  - 14 اورغ هق قواة سماغت، ولو ساكيت تروق فون بوليه اود. تافي، كالو هابيس سماغت، سياف دي بوليه اود؟
    - 15 اورڠ هق اد فيكران نق تمبه علمو كا دي لاكي، اورڠ هق بيجق فندي فون، نق دڠر اف٢ هق موليق.
      - 16 هدیه هق مولیق بري بولیه بوک فینتو کي سمفي کا تمفت اورغ فریڅکت تیڅکي.
- 17 اورڠ هق مڠادو بوكو دي دولو، نمفق سروف دي هق بتول. بيلا اورڠ هق كنا هادو ايت ماري اوصول تاث دي، بارو بوليه تاهو هق مان بتول.
  - 18 بيلا دوا اورغ كديبغ دوق بركوام دمهكامه، تاليه بري سلسي بوكو دي ملينكن دغن جمفوت اوندي.
    - 19 اديق براديق هق كيت بياس تولوغ ده، ماس دافن كيت بوليه كني تومفغ دي. تافي، كالو دوق كلاهي باله دغن دي، ماس دافن دي نق كاتوف فينتو تا بري ماسوق.

## فركتائن بيجق باب 18-19

- 20 فركتائن هق توبيت دمولوت كيت بوليه حصلن. ستقه اورغ بوليه هيدوف دغن فاكي فركتائن دي ايت.
  - 21 هیدوف دغن ماتی دوق دمولوت کیت. اورغ هق برانی کیچیق فون کنا جاکله، کران کیچیفن کیت اد حصلن.
    - 22 اورغ هق اد بيني، دي تريما نعمة، تندا كات توهن بركنن كا دي.
  - 23 اورغ مسكين كني مينتا دغن برهالوس. تافي اورغ كاي دوق جواب دغن كاسر.
- 24 سائين ٢ كيت، بڤكالي اد هق تائليه هارف كا دي، تافي بوليه تمو سائين هق رافت لاكني فد اديق براديق.

- افرغ جوجور هق كنا دوق مسكين سعمور،
   فد اورغ هق فندي منيفو دغن كيچيق بوهوغ،
   اورغ ايت هق بودوه.
  - تا مولیق اور غ دوق دغن تا اد علمو،
     کادوه نق کی دغن تا تاهو جالن، تنتو نق سست.

- اورغ بوات هق بودوه بري فونه چادغن دي،
   فس ايت دي نائيك موريه كا توهن،
   كات توهن بري جادي بالس ايت.
  - 4 افبیل کاي، سائین باپق،افبیل سسق، سائین تیڅکل سلالو.
  - اورغ هق جادي سقسي تا بتول،
     تا لام دي سنديري نق كنا حكوم.
     اورغ هق براهي بوهوغ،
     سود سكالي نق فلفس ديري تاليه.
    - اورڠ فريڠكت تيڠكي،
       باپق اورڠ كني جمب كا دي.
       اورڠ هق بوليه بري هديه،
       باپق اورڠ نق برسائين دڠن دي.
- تكه اورڠ دوق سسق، اديق براديق دي سنديري تا كاسيه.
   لبيه ۲ لاكني، سائين دي هوندور كني جاؤه.
   ولو دي دوق توروت اورڠ ۲ ايت، تا اد سياف دوق فادول.
  - اورڠ هق چاري جالن بري بوليه بيجق فندي،
     دي تاهو ده هق مان مستحق انتوق ديري دي،
     اورڠ هق بوليه منمبه علمو، دياله هق بوليه ماجو.

- اورغ هق جادي سقسي بوهوغ،
   تا ًلام دي سنديري نق كنا حكوم.
   اورغ هق بوهوغ بالس ايت،
   سود سكالي دي نق بناس.
- 10 تا سوغ اورغ هق بودوه نق دوق دغن چوكوف سمفرن، اتوا اورغ هق ترهينا نق فرينته اتس اورغ مليا.
  - 11 اورغ هق فیکران مولیق، دی بولیه دوق صبر سعمور. اورغ ایت نق تریما فوجین، کران دی بولیه معاف کا اورغ.
  - 12 تكه راج نائيك موريه، سروف سيڤا دوق مڤائوڠ. تكه راج دوق بوات بائيك، سروف هوجن تورون اتس تنامن.
  - انق هق بوات بودوه، بري ايه دي كنا بالا بسر، فس بيني هق دوق مڤيفيق سعمور، سروف فيلي اير هق دوق برتيتيق تا ُفوتوس٢.

- 14 رومه دغن هرت بولیه ماری دایبو باف، تافی بینی هق بیجق فندی جادی نعمة هق ماری د**توهن** 
  - 15 دوق مالس تا ًاف، بوليه تيدور بري جندرا، تافي اورڠ مالس ايت، كنا دوق لافر سعمور.
    - 16 اورغ هق توروت حكوم توهن، دوق توروت جالن هق بري هيدوف. اورغ هق هينا كا فركتائن توهن، دي توروت جالن هق بري ماتي.
    - 17 بیلا کیت تولوغ اورغ مسکین، سروف کیت سره بارغ ایت کا توهن. تنتو توهن نق بري کلیق کا کیت کو دافن.
  - 18 تبيغ كاچڠ اجرله انق٢ مو، تكه اد هرافن لاكني. جاڠن مو دوق لق، نق بري دي فونه كو دافن.
    - 19 اورڠ هق موده نائيك موريه، مستي كنا جادي بوكو اتس دي سعمور. كالو مو تولوڠ بري دي لفس فد بوكو سكالي، تائلام كنا كني تولوڠ دي فول.
  - 20 دڠرله نصيحة اورڠ، تريماله اجران دي. ماس كو دافن، مو نق جادي اورڠ هق بيجق فندي.

- 21 مائنسي دوق بوات چادغن باپق فركارا، تافى چادغن توهن ساج، هق كنا جادي.
- 22 هق اورغ نق يمو، فراغي جوجور هق بوليه هارف سعمور. بائيك جادي اورغ مسكين فد اورغ هق براهي بوهوغ.
  - 23 دوق دغن تاكوت كا توهن، سروف توجو كا جالن هيدوف. بالس ايت بوليه دوق دغن سنغ هاتي، فس تا اد اف سكارا بوليه ماري بوات خيانة كا كيت.
  - 24 اورغ مالس، سروف دي هولور تاغن جمفوت مكانن، فس تاسير اغكيت سواف دالم مولوت فول.
  - 25 كالو جاتوه حكوم فيات اتس اورغ هق فندغ هينا كا اجران موليق، اورغ لائين هق بودوه نق تريما اجران ايكوت چنتوه ايت. اورغ بيجق فندي ده، تكه سكالي ساج، بري منمبه علمو كا دي.
    - 26 انق هق بوات پاڻ کا اورغ توا دي تا بري دوق درومه، اورغ ايت بري مالو کا ايبو باف، فس سموا اورغ هينا کا دي.

#### فركتائن بيجق باب 19-20

- 27 يا انق٢ كو، كالو مو برادو تا سير تمبه لاكي فڠاجران، علمو مو هق اد ده ايت، نق كهور٢ هيلڠ كي.
- 28 بيلا اورغ نائيك سقسي دغن توجوان نق بري فونه بوكمو ايت، سروف دي هينا كا فركارا ٢ هق عاديل. اورغ فراغي جاهت بالس ايت، براهي مغودوه كا اورغ.
- 29 اد حکومن انتوق اورغ هق بوات ما ین ۲ کا فرکار ۲ مولیق، موکول کایو دوق ننتی نق کودم اورغ هق بوات بودوه ایت.

- تواق ماسم بري اورڠ سوك٢ دڠن هينا كا فركارا هق موليق،
   ماكن ارق فون بري اورڠ جادي باله.
   بودوهله اورڠ هق سست جالن كران دوق توروت هق ايت.
  - کنا تاکوت کا مرک راج. دي سروف سيڤا دوق مڤا وڠ.
     اورڠ هق مڤوسيق بري راج موريه، بهياله کا پاوا دي.
  - اورڠ هق نق كا نام بائيك، دي بري جاوه فد كلاهي باله.
     اورڠ هق بودوه ماسوق سلالو تمفت اورڠ دوق برباله ايت.

- 4 فرياڠ بركالا، اورڠ مالس تائتوبيت بوات كرج،
   فرياڠ مڠتم، دي فون توبيت، تافي تائليه اف سكارا.
  - 5 فيكران اورڠ سروف تلاك هق دالم،
     تافي اورڠ بيجق فندي بوليه چيدق اير نائيك.
- ورغ اغكيت ديري كات:
   دي جادي سائين هق بوليه هارف،
   تافي بيلا دوق چاري اورغ سروف ايت، فايه نق تمو.
  - اورڠ جوجور دوق توروت فراڠي دي هق بتول.
     براونتوڠ سوڠڬوه انق چوچو اورڠ سروف ايت.
- 8 راج هق دوق اتس كرسي حاكيم، كنا فرهاتيله بائيك٢،
   انتوق نق بواڠ سموا هق جاهت، سروف اورڠ منافي فادي.
  - 9 سیاف دي براني کات: لاني اکو دوق سوچي ده، دوسا۲ کو، اکو بري هافوس هابيس ده؟
    - 10 جوال ماكن مات كيلو اتوا سوكت بري كورغ، كدوا توله هق توهن تا بركنن،
  - 11 بوليه نمفق كلاكوان اورغ، ماس دي بودق لاكني، تاهو كات دي نق بوات هق بتول كا دق.

- 12 مات هق بولیه نمفق دغن تلیغا هق بولیه دغر، کدوا ایت هق توهن بری جادیکن.
- 13 جاغن براهي تيدور، تاكوت فايه نق ماكن كو دافن. باغونله فد تيدور، فس مو نق بوليه مكانن چوكوف.
- 14 تكه نق بلي، دي كات كا اورغ جوال: بارغ اين تا موليق. بلي ده، دي كليق ا عكيت ديري كات دي فندي بلي.
  - 15 كيچيفن هق اد ايسي مهل لاكي فد امس دغن مات بليان.
- 16 اورغ هق ماري جا وه نق براوتغ دغن اورغ كاي، فس كيت سفكوف جامين اوتغ ايت. بيلا اورغ كاي ماري رمفس هرت كيت كنتي اوتغ ايت، سموا اورغ فون كات سوغ فاتوت بوليه بوات بالس ايت.
  - 17 اورغ فندي تيفو داي بوليه ماكن سدف٢، تافي تالام سروف فاسير دوق دالم مولوت.
- 18 چاري نصيحة هق موليق، بارو چادغن كيت نق برجاي. اورڠ هق كني فرڠ فون، كنا اد اورڠ هق فندي فيمفين.
- 19 اورغ هق براهي كيچيق باپق، دي بري تاهو فركارا ٢ هق سوليت، جاغن برسا ينله دغن اورغ هق كيچيق باپق سروف ايت.

- 20 اورغ هق دوق سومفه ماكي كا ايبو باف دي، ننتي فليتا اورغ ايت نق كنا فادم بري كلف ده.
- 21 اورغ هق تيبا۲ بوليه هرت باپق، مولا۲ نمفق موليق، تافي سود سكالي، هرت ايت تا موليق انتوق دي.
  - 22 مو جاغن كات: اكو نق بالس كا اورغ هق بوات جاهت كا اكو. هارفله كا توهن، دياله هق نق تولوغ مو.
    - 23 جوال ماكن مات كيلو ايت، توهن بنچي. تأ با يك فاكى كيلو سروف ايت.
  - 24 توهن هق دوق فيمفين جلانن هيدوف ما نسي. سبب توله، ما نسي تا ليه فهم جلانن هيدوف هق دي سنديري.
- 25 بهياله كا اورڠ هق موده جنجي نق سره اف٢ كا توهن، لفس ايت باليق هاتي تا سير بوات هق دي نيات ده.
- 26 راج هق بيجق فندي دوق فيقست سعمور رعيت ٢ دي، سروف اورڠ دوق تمفي فادي بري توبيت هق مان همفا. دي فون نق جاتوه حكوم برت اتس اورڠ سروف ايت.
- 27 توهن بوه فیکران دالم هاتی ما نسی، سروف فلیتا هق چره، نق بری اورغ فیقست هاتی دی سندیری کات مولیق کا دق.

#### فركتائن بيجق باب 20-21

- 28 كالو رعيت دوق دغن طاعة ستيا، راج دي بوليه دوق دغن سلامت. فس كالو راج ايت دوق بوات هق بتول، تحت دي فون بوليه دوق كجف سعمور.
- 29 كيت فوجي اورغ مودا كران كقواتن دي، تافي اورغ توا تريما حرمة دغن كران اوبن فوتيه.
- 30 حكوم دغن كودم نق بري توبيت هق جاهت، اجر دغن فيات فون، نق بري سوچي دالم هاتي.

- توهن دوق فرينته اتس هاتي راج،
   سروف دغن سوغي بسر هق توهن بري
   مغالير ايكوت كهندق دى.
- سموا فركارا هق اورغ بوات دي كات موليق انتوق دي،
   تافي توهن دوق تيمبغ هاتي اورغ ايت.
  - تواتله سموا هق بتول دغن عادیل.
     هق ایت بری توهن برکنن لبیه فد قربان ۲ باپق ایکور.

- 4 هاتي تكابور دغن مات هق فندغ هينا كا اورغ،
   كدوا ايت جادي دوسا، هق فيمفين اورغ جاهت كي سعمور.
  - 5 چادڠن اورڠ راجين، هق باوا دي کني کا تمفت نق ماجو،
     اورڠ هق کادوه، نق سمفي کا تمفت نق روکني ساج.
    - 6 بولیه کاي دغن هرت تیفو منیفو، سروف کابوت فاکي، فس هرت ایت نق بري دي ماتي دغن ترکجوت.
  - مق اورڠ جاهت دوق بوات خيانة ايت، نق بري دي بناس،
     کران دي تا ٔسير بوات هق بتول.
    - اورڠ هق بوات ساله ده،
       کنا کي کو ٔ جالن هق برليڠکق۲،
       اورڠ هق تا 'بوات ساله اف۲،
       بوليه کي کو ٔ جالن هق بتول.
- 9 بائيك هوندور كني دودوق اتس سوتوه رومه،
   فد دوق دالم رومه سكالي دغن اورغ بتينا هق براهي مغيفية.
  - 10 اورغ جاهت براهي نق بوات جاهت سعمور، اورغ كمفوغ دي سنديري فون، دي تاكسياغ بلس.

- كالو جاتوه حكوم اتس أورغ هق فندغ هينا كا اجران موليق، اورغ لائين هق تائاد علمو،
  - نق تريما اجران اتس چنتوه ايت.
    - اورغ بيجق فندي ده،
  - تكه سكالي ساج بري منمبه علمو كا دي.
  - توهن يغ مهاعاديل دوق فرهاتي تيڠوق دالم رومه اورغ جاهت، فس تا الام دي نق بري فواق ايت بناس هابيس.
  - اورغ هق كاتوف تليڤا تا سير دغر، تكه اورغ ميسكين دوق مينتا تولوغ دغن دي، بیلا دی سندیری کنا فغکیل مینتا تولوغ، تا اد سياف نق دغر سوارا دي.
  - كالو نق بري اورغ سجوق هاتي، هنترله هديه كني كا دي، تافي كنا بري دغن سوسوف، جاغن بري اورغ لائين نمفق.
    - بيلا اد حاكيم دوق فيقست بوكو كرت سين دغن عاديل، 15 اورغ بائيك نق براس سوك هاتى، تافي اورغ جاهت نق براس سوسه هاتي سوغكوه.
      - كالو تائسير توروت جالن هق بيجق فندى، 16 تا ً لام نق سمفى كا تمفت اورغ ماتى.

17 اورغ هق دوق نق بري سدف ٢ ، دي نق جاتوه مسكين ساج. دي بوبوه ميپق واغي ، فس دوق ماكن اير بواه جابيت سعمور . اورغ هق بوات بالس ايت ، تا ليه جادي كاي ،

18 كالو اورغ جاهت كنا بالا باپق فركارا، اورغ بائيك بوليه لفس، سروف اورغ هاتي تائبتول كنا جادي تبوسن كا اورغ هق بتول.

19 بائيك دوق سئورغ دتمفت سوپي، فد دوق درومه سكالي دغن اورغ بتينا هق براهي مڤيفيق دغن كلاهي باله سعمور.

20 هرت اورغ بيجق فندي بوليه تاهن لام، تافي اورغ بودوه دوق بلنجا دويت دي بري هابيس سلالو.

21 اورغ هاتي جوجور سوك بوات هق بائيك، هيدوفن دي نق ماجو، فس اورغ نق حرمة كا دي.

22 اورغ هق بيجق فندي، بوليه سرغ ماسوق دالم كوت سترو دي هق اد كواس بسر، دي بوليه بري رونتوه تمفت كوكوه هق سترو۲ ايت دوق هارف.

- 23 اورغ هق بوليه تاهن ليده دغن كاتوف مولوت، دي بوليه جاك ديري، تا بري جاتوه دالم بهيا.
- 24 بیلا تمو دغن اورغ هق دوق سند۲۱ ما ین کا فرکارا هق مولیق،
- كيت بوليه تاهو كات، دي اورغ تكابور هق دوق سومبوغ. اورغ ايت دوق ايغت كا ديري دي ساج.
  - 25 کهندق هاتي اورغ مالس، دي تائسي اغکيت کاکي تاغن لغسوغ، جادي سروف دي نق بونوه ديري دي سنديري.
  - 26 اورڠ هاتي طمع دوق ايڤين نق بوليه لبيه سعمور. اورڠ هاتي بائيك تائسايڠ كا بارڠ دي، دي بري كا اورڠ دڠن موره هاتي.
  - 27 قربان هق اورغ هاتي جاهت، توهن تائريما لڠسوغ. لبيه ۲ لاكني، كالو دي باوا ماري دغن توجوان تاموليق.
    - 28 اورغ هق بیاس بوهوغ،
      بیلا دی نائیك سقسی، تائاد سیاف فرچای.
      اورغ هق بولیه هارف،
      بیلا دی نائیك سقسی، سموا اورغ نق تریما.

- 29 اورغ هاتي جاهت موده تنجوق ديري دافن اورغ، اورغ، اورغ بائيك دوق ايڤت سعمور، بالس مان كنا باوا ديري.
  - 30 فيكران هق بيجق، علمو هق تيڠكي، اتو نصيحة هق موليق فون، سموا ايت تا جادي، كالو دوق لاون دغن كهندق توهن.
  - 31 بولیه سیمفن کریتا۲ کودا انتوق توبیت نق بوات فرغ، تافی توهن ساج هق بولیه بری منغ.

- ابولیه نام با یك لبیه مولیق فد بولیه هرت باپق،
   فس تریما حرمت داور څ لبیه لاكني فد تریما امس دغن فیرق.
  - 2 اورغ كاي دغن اورغ مسكين، اد سكارا هق سروف، كدوا ايت هق توهن بري جاديكن.
  - اورڠ فندي فيكير، بوليه تيڠوق بهيا دوق دافن دي،
     فس بوليه قياس كني كو ً لا ين.
     اورڠ هق بودوه كنى سلالو، فس ايت دي كنا سوسه.

- اورغ هق جوغ مرنده ديري
   فس دوق دغن تاكوت كا توهن،
   دي بوليه كاي دغن عمور فنجغ،
   فس سموا اورغ نق حرمة كا دي.
- 5 اورڠ هق بوات كاروت تائليه برجالن كني دغن سنڠ، دي دوق لكت دفوهون دوري اتو كنا فرڠكف تڠه جالن كني. اورڠ هق فندي جاك ديري، تائكنا تمو دغن فركارا٢ ايت.
  - اجرله انق۲ مو بري بوات توروت هق بتول،
     فس بيلا دي بسر ده، دي تا لوف سموا اجران ايت.
    - اورڠ کاي اد کواس اتس اورڠ مسکين،
       اورڠ هق لکت هوتڠ فول،
       دي جادي همب کا توان دويت ايت.
    - 8 كالو كي تانم فربواتن هق تا عاديل،
       نق بوليه بالا كسوساهن جادي حصلن دي.
       كواس هق فاكي بوات خيانة كا اورغ فون،
       تنتو نق هيلڠ كي ده.
  - 9 توهن نق تورون رحمة اتس اورغ هق موره هاتي، كران دي جوغ بهاكني ماكنن دي كا اورغ مسكين كاتيق.

- 10 همبت توبیتله اورغ هق کیچیق هینا کا فرکارا ۲ مولیق، باروله نق هیلغ کی، کلاهی باله دغن کیچیفن هودوه ایت.
  - اورڠ هق دوق جاڬ هاتي بري سوچي،
     فس دوق كيچيق دڠن لمه لمبوت سعمور،
     اورڠ توله هق راج نق امبيق بوات سائين.
- 12 توهن دوق جاك اتس سموا علمو هق سبنر، تافي دي بري فونه فركتائن اورڠ هق تائسير هارف كا دي.
  - 13 اورغ مالس دوق دالم رومه، كات: اد سيڤا باليق لوار، كالو توبيت كي، تاكوت دي نق تركم اكو بري ماتي.
    - 14 كيچيفن اورغ بتينا هق نق بوات زنا سروف فرغكف. اورغ ايت دوق باوه مرك توهن ده، دياله هق نق كنا فرغكف ايت.
  - 15 فیکران بودوه دوق اد دهاتي بودق. اجرله دي دغن ليدي، بري توبيت فیکران بودوه ايت.
  - 16 كالو دوق بوات بان كا اورغ مسكين كران نق كا كاي، اتوا كي هديه كا اورغ هق اد هرت لبيه ده، اورغ ايت، سود سكالى كنا دوق لافر.

#### - تمت -

